









印史卷之三

三國六朝得一百八十三人

古吳何通不達



諸葛亮瑯琊人先主三顧

隆中一出而定鼎足之業

先主疾篤召亮曰君才十

倍曹丕必能定大事倘嗣

子不才君可自取亮涕泣

曰臣敢不竭股肱之力効

忠貞之節繼之以死



諸葛亮印



關羽河東解人先主以羽

飛為別部司馬羽守下邳

為操所獲表封漢壽亭侯

羽曰吾極知曹公待我厚

然吾受劉將軍厚恩誓以

共死不可背之乃殺顏良

以報操去奔先主於袁軍

關羽

月



龍統字士三真易人馬有



張飛



徐庶私印

張飛字翼德涿郡人與關

羽共事先主魏謀臣程昱

等咸稱羽飛為萬人敵羽

善待卒伍而驕於士大夫

飛愛敬君子而不惜小人

故芳仁賣羽張范殺飛有

由來矣可不戒與

徐庶字元直與諸葛亮友

善先主率眾南行庶與亮

並從為曹操追破獲庶母

庶指其心曰今欲與將軍

共圖王霸之業者以此方

寸之地今失老母方寸亂

矣請從此別遂詣曹操



龐統



許靖

龐統字士元襄陽人為南

州士之冠性好人倫每所

稱述多過其才欲使有志

者自勵也從先主定討克

成都為流矢所中卒先主

痛惜言則流涕謚曰靖侯

許靖字文休汝南人少與

從弟劭有人倫臧否之鑒

先主為漢中王靖為太傅

雖年踰七十愛樂人物誘

納後進清談不倦丞相亮

為之下拜當世以為指南





簡雍



黃忠

簡雍字憲和涿郡人優游風儀簡傲跌宕時天旱先主禁私釀者有刑吏於人家索釀具論罰雍因一男女行道者曰此欲行淫先主問何以知之曰彼有淫具因大笑而釋釀者黃忠字漢升南陽人先主南定諸郡忠隨從入蜀常先登陷陣勇殺冠三軍擊夏侯淵于定軍山一戰斬淵拜後將軍賜爵關內侯



馬超



趙雲私印

馬超字孟起扶風人父騰靈帝末與韓遂起事於西州潼關之役曹操幾不免嘗奔漢中依張魯見魯不足與計事遂歸命先主拜平西將軍卒謚威侯趙雲字子龍真定人先主為曹操所追困於當陽長坂雲身抱後主保護甘夫人免於難先主嘗稱之曰子龍一身都是膽





法正



董允

法正字孝直扶風人初依

劉璋陰獻策於先主遂取

劉璋還定漢中與丞相亮

雖好尚不同以公義相取

亮每奇正智術先主伐吳

敗績亮曰使孝直若在必

能制主令不東行矣

董允字休昭丞相亮北征

慮後主富於春秋以允秉

心公諒欲任以宮省之事

遷中郎將統宿衛親兵後

主大愛宦官黃皓皓畏允

終允世不敢為非延熙七

年以侍中守尚書令



劉巴之印



蔣琬之印

劉巴字子初零陵人先主

拜為左將軍西曹掾張飛

就巴宿巴不與語亮勸巴

宜少降意巴曰大丈夫當

交四海英雄如何與兵子

共語先主聞之怒亮曰運

籌帷幄吾不如子初遠矣

蔣琬字公琰零陵人丞相

亮住漢中琬統府事常足

食足兵以相供給亮曰與

吾共贊王業者其公琰耶

亮卒琬為尚書令拔處群

僚之右而神考舉止有如

平日





費禕



譙周

費禕字文偉江夏人仕蜀

為黃門侍郎亮南征還群

僚出迎亮特命禕同載由

是改觀亮卒禕為參軍代

蔣琬為尚書令于時國事

煩猥禕識悟過人雖羽檄

交馳而博奕嬉戲裕如也

譙周字允南巴西人丞相

亮命周為勸學從事時軍

旅數出百姓凋瘵作仇國

論上之鄧艾代蜀周勸後

主出降劉氏無虞一國蒙

賴晉文王以周有全國之

功封陽城亭侯



姜維



諸葛瞻印

姜維字伯約天水人為蜀

大將軍魏攻蜀維與鍾會

拒于劍閣而後主已降于

鄧艾矣維知會欲反乃說

會盡殺北來諸將已因殺

會復立故漢帝會從之已

作大坑事泄眾斬會及維

諸葛瞻字思遠工書善畫

屢遷尚書僕射蜀人追思

亮咸愛其才敏朝廷每一

善政必指曰諸葛侯所為

鄧艾伐蜀遺書語瞻曰若

降必表為瑯琊王瞻怒斬

艾使遂戰大敗臨陣死



若葛... 楚字... 十人... 訓... 為... 亦... 謹... 以...

周... 瑜... 字... 公... 瑾... 廬... 江... 人... 孫... 策...



諸葛瑾印

諸葛瑾字子瑜為孫權長史權遣瑾使蜀與弟亮俱公會相見退無私面亮亦嘗使吳權謂瑾曰何不畱孔明瑾答曰委質定分義無二心弟之不畱猶瑾之不往也



魯肅

魯肅字子敬臨淮人太散貨財以結士周瑜薦肅才宜佐時權信任之劉備見權求都督荊州肅勸權借之共拒曹操操聞之方作書落筆於地周瑜病乞肅自代



周瑜之印

周瑜字公瑾廬江人孫策東渡瑜將丹陽兵迎策從定豫章廬陵策薨策弟權統事乃說權破操於赤壁復勸權進兵取蜀并張魯據襄陽以躡操北方可圖也權許之瑜尋病卒



呂蒙

呂蒙字子明汝南人從周瑜定荊州多畫策拜偏將軍蒙問肅曰君與關羽為鄰何計以備之肅曰臨時施宜而已蒙曰計安可以不豫乃為肅畫五策於是越席就之結交而別



陸運字伯言吳郡人召棠

陸運字伯言吳郡人召棠



陸績

陸績字公紀吳人容貌雄

壯博學多識星曆筭數無

不該覽孫權辟為奏曹操

以直道見憚出為鬱林太

守雖有軍事著述不廢作

渾天圖注易釋玄皆傳於

世

陸抗字幼節遜子也拜都

督西陵諸軍事西陵督步

闡據城叛降晉抗聞之遣

將竟赴西陵晉使羊祜率

師向江陵抗以江陵牢固

寧弃江陵而走西陵竟陷

西陵誅闡還與祜相拒



陸抗



陸遜之印

陸遜字伯言吳郡人呂蒙

薦其才遂代蒙至陸口作

書與羽多謙下自托之意

羽意大懈遂擒羽復蹴劉

備于馬鞍山備曰吾為陸

遜所折辱豈非天耶後與

諸葛亮連和不交一矢

管寧字幼安北海人聞公

孫度令行海外遂與邴原

王烈等俱至遼東寧廬於

山谷之間曹丕篡位徵寧

遂將家屬浮海還郡公孫

氏前後資送並受不讓返

日盡封還之卒年八十四



管寧之印





荀攸之印



滿寵私印

荀攸字公達與何顥謀誅

董卓事覺收顥攸繫獄顥

憂憤自殺攸言語飲食自

若會卓死得免後從操征

伐常謀謨帷幄人莫能測

操曰其智可及其愚不可

及

滿寵字伯寧為許令曹操

使按太尉楊彪獄孔融荀

彧囑寵勿加考掠寵不報

考訊如法數日見操言曰

楊彪考訊無他詞語若罪

不明白必大失民望竊為

明公惜之操即日赦彪



田疇



賈詡

田疇字子春無終人董卓

遷帝長安劉虞遣疇展効

臣節比還虞為公孫瓚所

害疇謁祭虞墓陳發表章

哭泣而去遁入徐無山中

後從操擊烏桓以功封侯

欲引拜之數四終不受

賈詡字文和武威人說張

繡偕歸操操軍國事多決

於詡操欲易儲以問詡詡

嘿不對操曰卿何不答詡

曰屬思袁本初劉景升父

子操大笑太子遂定丕篡

位以詡為太尉



意英義郎辛毗之女不既

程呈字仲德東阿人黃巾



憲英



郭嘉

憲英議郎辛毗之女不既
 立抱毗頸而言曰辛君知
 我喜不毗以告其女憲英
 英曰太子代君主宗社者
 也代君不可以不戚主國
 不可以不懼而反以為喜
 其何能久魏其不昌乎
 郭嘉字奉孝潁川人也初
 見袁紹以為難與共濟天
 下去而之魏佐操滅紹封
 洧陽亭侯嘉深通有美略
 操語人曰唯奉孝為能知
 孤意年三十八薨



程昱之印



董昭印

程昱字仲德東阿人黃巾
 起吏民盡奔渠丘山昱約
 以還城相守賊可破吏民
 不從昱乃密遣數騎舉幡
 東山上因望見大呼曰賊
 至矣便下山趨城吏民奔
 走相隨昱與共守東阿得
 董昭字公仁定陶人操欲
 至長安假塗而不得昭說
 張楊通其上事昭又為曹
 作書與長安諸將以致殷
 勤遂共表操為鎮東將軍
 襲父爵費亭侯朝天子於
 洛陽遂移駕幸許



鍾繇字元常穎川人長公

王肅字子雍爲尚書詩論



鍾繇之印



張遼之印

鍾繇字元常潁川人長於

正隸初求蔡邕筆法於韋

誕誕不傳輒搥胸嘔血操

以五靈丹救之得活誕死

繇發其冢得邕法於是學

書晝夜不輟梁武帝謂繇

書如雲鶴遊空群龍戲海

張遼字文遠馬邑人初屬

呂布操破布於下邳遼將

衆降拜中郎將數有戰功

拜征遼將軍丕篡位封晉

陽侯後丕追念曰合肥之

役遼以步卒八百破賊數

萬此古之孫武也



王肅



曹植之印

王肅字子雍爲尚書詩論

語三禮左氏解撰定父朗

所作易傳皆列於學官時

有二魚長尺集於武庫肅

曰魚生於淵亢於屋鱗介

失所也邊將殆有弃甲之

變乎後果有東闕之敗

陳思王植字子建十歲善

屬文應對機警操愛之幾

欲以爲太子時將遣救曹

仁而植醉不能受命乃悔

而罷之丕篡位植就國十

一年中而三徙都汲汲無

歡遂發疾薨年四十一





仲宣王粲



陳琳之印

王粲高平人時蔡邕貴重

朝廷賓客盈坐聞粲在門

邕倒屣出迎西京擾亂乃

之荊州依劉表表以粲貌

寢不甚重也羈旅無聊作

登樓賦以見志表卒粲勸

劉琮歸操賜爵關內侯

陳琳字孔璋廣陵人前為

何進主簿進欲召外兵謀

宦官琳諫以為倒持干戈

授人以柄必為亂首進不

納琳避難冀州袁紹使為

檄以侮操袁敗琳歸操操

愛其才而不咎也



徐幹之印



阮瑤之印

徐幹字偉長北海人建安

中曹操特加旌節以疾休

息不與吳質書曰偉長懷

文抱質恬淡寡欲有箕山

之志著中論二十篇成一

家之言辭義典雅足傳於

後此子為不朽矣

阮瑤字元瑜陳留人與陳

琳並為司空軍謀祭酒管

記室軍國書檄多琳瑤所

作操疾發臥讀琳所作翕

然起曰今愈我病瑤嘗於

馬上呈草操覽筆不能增

損一字



劉楨字公幹東平人爲五

應瑒字德璉汝南人曹操



劉楨印



吳質

劉楨字公幹東平人爲五

官中郎將文學與孔融王

粲徐幹陳琳阮瑀應瑒竝

與丕植友善丕曰此七子

者於學無所遺於辭無所

假騁騏驎於千里仰齊足

而並馳以此相服良亦難矣

吳質字季重濟陰人以才

爲丕所善爲朝歌長遷元

城令官至振威將軍觀其

答魏太子箋而文辭傑可

見矣



應瑒之印



邯鄲淳

應瑒字德璉汝南人曹操

辟爲丞相掾屬後爲五官

中郎將文學丕嘗謂德璉

斐然有述作之意其才學

足以著書美志不遂良可

痛息

邯鄲淳字子叔潁川人博

學有才又善蒼雅蟲篆許

氏指操聞其名召遣詣植

植得淳甚喜與淳評說古

今人文優劣當官政事所

宜無與侑者及暮淳歸歎

曰子建其天人乎



鄧艾字子暘光武子延後

鄧艾字士載義陽人爲相



劉暉之印



張辨

劉暉字子陽光武子延後也七歲而母臨終恨其侍者戒暉長成除之暉至十三入室殺侍者徑出拜墓父怒追暉還拜謝曰亡母顧命之言敢愛不請擅行之罰仕魏明帝封東亭侯張辨少游太學舉兼內外袁紹辟之移居上黨高幹表除樂平令復還常山居任縣曹操辟之又不肯詣正始初戴鴛篋辨門陰辨曰此凶兆也乃援琴詠歌旬日卒年一百五歲



鄧艾之印



焦光

鄧艾字士載義陽人爲稻田守叢草吏每見高山大澤輒規度指畫軍營處所後爲尚書郎嘗引河渠通漕運以佐軍與鑿山開道以破蜀漢鍾會等誣艾反檻車徵艾遇於綿竹斬之焦光字孝然無父母兄弟妻子見漢室衰乃絕口不言及魏篡位常結草爲廬於河之湄終不語後野火燒其廬光遂露寢冬雪大至臥不移人以爲死就視如故後百餘歲乃卒





寒貧子



管輅之印

寒貧子建安初客三輔至十六年關中大亂乃南入漢中及漢中破隨眾還長安居窮巷小崖行乞以自給富貴人饋遺之皆不受因號曰寒貧子云

管輅字公明平原人八九歲便喜仰視星辰夜不肯寐自言家雞野鶴猶尚知時况於人乎及長明周易觀風角占相之道無不精微嘗自相法當天為少府丞卒年四十八



朱建平印




王祥

朱建平善相術相曹丕曰將軍壽八十至四十有少厄丕至四十病謂左右曰建平所言八十謂晝夜也遂崩初丕將出取馬外入建平道遇曰此馬今日死丕乘馬出驚齧丕即殺馬王祥字休徵瑯琊臨沂人性至孝隱居三十餘年不應州郡之辟後為別駕遷太常封萬歲亭侯天子幸太學祥南面几杖以師道自居天子北面乞言聞者莫不砥礪進位太保卒





何曾



向秀

何曾字穎考陳國陽夏人

為司隸校尉嘗言於帝曰

阮籍以重哀飲酒食肉宜

擯四夷無令汗染華夏帝

曰此子羸病若此君不能

為吾忍耶後人劾曾侈泰

無度帝不問進位太宰

向秀字子期河內懷人著

莊子隱解發明奇趣振起

玄風嵇康好鍛秀為之佐

相對欣然旁若無人康被

誅秀應本郡計入洛忽聞

笛聲嘹亮感音而嘆作思

舊賦位至散騎常侍



山濤



阮籍之印

山濤字巨源河內人年六

十為吏部尚書典選十餘

年每一官缺輒啟擬數人

詔旨有所向然後顯奏所

奏甄別人物各為題目時

稱山公啟事遷右僕射掌

選如故薨年七十九

阮籍字嗣宗陳留尉氏人

魏晉之世時事多故名士

少有全者籍遂不與世事

酣飲為常文帝欲為武帝

求婚於籍籍醉六十日不

得言而止求為步兵校尉

嘗為青白眼以玩世云







文立



羊祐之印

文立字廣休巴郡人也蜀

漢時遊太學師事譙周門

人以立方諸顏回泰始初

進散騎常侍時西域獻馬

帝以問立曰馬何如對曰

乞問太僕帝善之

羊祐字叔子南城人祐以

伐吳必藉上流之勢密令

王濬繕修舟楫上疏請伐

吳而議者多有不同祐曰

孫皓虐政已甚可不戰而

克倘嗣立令主雖百萬之

眾長江未可得而越也



成公綏印



張華之印

成公綏字子安東郡人也

雅好音律嘗當暑乘風而

嘯泠然成韻因為嘯賦又

以孝鳥集其廬謂其有反

哺之德作孝鳥賦張華雅

重之見其文嘆服以為絕

倫

張華字茂先范陽人也初

未知名作鷦鷯賦以自寄

晉篡位拜黃門侍郎武帝

嘗問漢宮室制度華應對

如流帝甚異之滅吳封廣

武縣侯名重一世趙王倫

欲廢賈后遂召華收斬之





王濬



江統之印

王濬字士治弘農人嘗起

宅開門前路廣數十步曰

我欲使容長戟幡旗後奉

詔伐吳濬作大船連舫每

船可受二千人吳人以鐵

鎖橫江濬以大筏觸之火

炬燒之須臾斷絕遂平吳

江統字應元陳留人靜默

有遠志時人為之語曰崑

然稀言江應元時氏羌雜

處內地統深維四夷亂華

宜杜其萌作徙戎論時不

能用未及十年而夷狄亂

華中原失守時人服其先



杜預之印



周處

杜預字元凱京兆杜陵人

拜度支尚書時稱之曰杜

武庫言其無所不有也羊

祜薦預自代遂成滅吳之

功預身不跨馬射不穿札

而能任大事當將帥之選

著春秋左氏集解行于世

周處字子隱陽羨人少孤

膂力絕人不修細行鄉曲

患之慨然改操入吳尋見

二陸勵志修身期年州郡

交辟仕晉為御史中丞凡

所糾劾不避寵戚後擊西

戎力戰以無救而死





陳壽

陳壽字承祚師事同郡譙周仕蜀為觀閣內史後為晉著作郎撰三國誌壽父為馬謖參軍為諸葛所髡故壽傳亮言將略非亮所長言瞻名稱過實識者以此少之



馬隆

馬隆字孝興東平人涼州為羌戎所沒帝問方畧於隆隆曰陛下若能任臣自任請募勇士三千人無問所從來率眾鼓行而西醜虜不足滅矣帝以隆為武威太守涼州悉平



劉毅

劉毅字仲雄東萊掖人為司隸校尉京師肅然武帝嘗問毅曰朕可方漢何帝對曰桓靈帝曰甚矣對曰桓靈賣官錢入官庫陛下賣官錢入私門以此言之殆不如也其峭直如此



劉弘

劉弘字和季沛國人也少與武帝同研席遞進車騎將軍每有與廢手書郡邑守相丁寧欵密所以人皆感悅爭赴咸曰得劉公一紙書賢於十部從事及卒士女嗟痛若喪所親

史記 三

元





李密之印



王哀

李密字令伯犍爲人以孝

聞有才能嘗望內轉以朝

廷無援遷漢陽太守賜餞

詔賦詩末章曰人亦有言

有因有緣官無中不如歸

田明明在上斯語豈然武

帝念之免密官卒于家

王哀字偉元城陽人也父

儀爲文帝所誅未嘗西向


坐以示不臣朝廷也隱居

教授徵辟不就廬於墓側

涕淚著樹樹爲之枯母性

畏雷沒後每雷輒到墓曰

哀在此



皇甫謐印



庾袞

皇甫謐字士安漢太尉嵩

之曾孫也以著述爲務自

號玄晏先生耽讀典籍至

忘寢食時人謂之書淫累

詔徵辟不起就武帝借書

帝送書一車與之後遺命

羸葬不崇墓不封樹焉

庾袞字叔褒明穆皇后伯

也時大疫二兄俱亾次兄

毗復殆父母諸弟皆出外

慮其染也袞獨留視並得

無恙後父亾作管賣以養

母母見其勤曰我無所嗜

對曰母食不甘袞將何安





索靖之印



韋忠

索靖字幼安敦煌人該博

經史以善草書知名擢為

尚書郎時天下將亂指洛

陽宮門銅駝嘆曰會見汝

在荆棘中耳未幾河間王

顥舉兵向洛陽拜靖為游

擊將軍與賊被傷而卒

韋忠字子節平陽人慷慨

有志節裴頠言於張華辟

之不起人問其故忠曰茂

先華而不實裴頠欲而無

厭弃典禮而附賊后常恐

洪濤蕩嶽餘波見漂况可

臨尾閭而闕沃焦哉



孫楚



嵇紹之印

孫楚字子荆太原人為衛

將軍司馬時龍見武庫井

中或以為禎祥或以為災

異唯楚以為龍不天飛而

蟠于坎此賢人隱伏之象

也願陛下拔秀異之才能

撥煩理難矯世抗言者

嵇紹字延祖康之子也起

家為秘書丞人謂其昂昂

然若野鶴之在鷄羣遷侍

中朝廷有北征之役王師

敗績以身扞帝飛箭雨集

遂死血濺帝衣後帝命勿

浣曰此嵇侍中血也





辛勉



翟莊

辛勉字伯力隴西狄道人

懷帝世為侍中劉聰陷洛

陽署為光祿大夫固辭不

受聰遺之藥酒勉神色不

變引藥將飲喬度之曰

主上相試耳聰為築室平

陽月致酒米亦辭而不受

翟莊潯陽人少以釣弋為

事及長不復弋或問之莊

曰弋自我釣自物未能頓

盡故先節其甚者且夫貪

餌吞釣豈我哉時人以為

知言晚節亦不復釣端居

華門命徵並不就



王育之印



王衍私印

王育字伯春京兆人少孤

貧為人牧羊失羊為羊主

所責將自鬻同郡許子章

代育償羊給其衣食遂博

通經史後為武陽令為政

清約宿盜逃奔他郡遷并

州都督為破虜將軍

王衍字夷甫戎之從弟也

總角時山濤見之嘆曰何

物老嫗生此寧馨兒然誤

天下蒼生者未必非此人

也為元城令終日清談而

縣務亦理後居宰輔之重

思自全之計為石勒所害

自
身



三



王導



劉琨之印

王導字茂弘瑯琊臨沂人

元帝為瑯琊王與導素親

善及正位號情好日隆朝

野傾心號為仲父明帝即

位受遺詔輔政帝崩復受

遺詔輔成帝封郡公進位

太保薨年六十四

劉琨字越石中山魏昌人

聞祖逖被用曰吾枕戈待

旦志梟逆虜常恐祖生先

吾着鞭其意氣如此常為

虜騎所圍琨乘月登樓清

嘯夜奏胡笳賊聞之凄然

有懷土之思並棄圍而去



祖逖之印



紀瞻

祖逖字士雅范陽人與劉

琨同寢中夜聞鷄鳴促琨

曰此非惡聲也因起舞受

命北伐渡江中流擊楫而

誓曰祖逖不能清中原而

復濟者有如大江石勒不

敢窺兵河南

紀瞻字思遠丹陽秣陵人

元帝為安東將軍長安不

守瞻與王導勸帝正位帝

不許使韓續撤去御座瞻

叱續曰帝位上應星宿敢

動者斬帝為之改容及帝

踐祚拜尚書右僕射





周顓私印



賀循

周顓字伯仁王導指其腹

曰卿此中何所有顓曰此

中空洞無物足容卿輩數

百王敦舉兵顓力救導不

使知及敦誅顓而導不言

後見顓表乃涕泣曰我雖

不殺伯仁伯仁由我而死

賀循字彥先會稽山陰人

父邵為孫皓所殺為武康

令政教大行无符上循為

吳國內史與循言及吳事

因問孫皓燒鋸截一人是

誰循流涕不能答帝悟是

賀邵也甚愧之三日不出



陶侃



阮瞻之印

陶侃字士行鄱陽人為荆

州刺史朝暮運甓或問之

曰吾方致力中原過爾優

逸恐不堪事暨蘓峻作逆

京都失守侃赴難破峻斬

之王導入石頭取故節侃

笑曰蘇武節恐不如是

阮瞻字千里善彈琴人往

求聽不問貴賤長幼皆為

彈之神氣冲和不知向人

所在內兄潘岳每令鼓琴

終日達夜無忤色由是識

者嘆其恬澹不可榮辱矣









浙江圖書館善本

協 登記號：003277

一九五八年四月五日



陸陸年 貳月 念 陸日

0 1 2 3 4 5 6 7 8 9 10 11 12 13 14 15 16 17 18 19 20

Seal impression in seal script (Zhuanshu) on a blue background. The characters are arranged in a square format, typical of a personal or official seal. The impression is light blue and shows some wear.

Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFEN Color Control Patches

© The Tiffen Company, 2007

Blue
Cyan
Green
Yellow
Red
Magenta
White
3/Color
Black



宣統伍陸年 貳月 念 陸日

